

編號：275

筆畫：9

篇名：爲學一首示子侄

作者：彭端淑

出處：中學中國語文科課程綱要（1978）建議採用

寫作年份：清代

文白語體：文言文

字數篇幅：約 360 字

表達方式：記敘，議論

結構層次：

第一大段：從難易轉化的辯證關係，闡明主觀努力在學習上的重要作用。（第

1 自然段）

第二大段：以蜀鄙二僧去南海的故事，闡明只要堅忍不拔，難事終將變爲

易事的道理。（第 2 自然段）

第三大段：激勵人們端正態度，立志勤學。（第 3 自然段）

篇章主旨：

這篇文章以蜀鄙二僧去南海的故事，闡發了難與易的辯證關係，從而告訴人們，只要志向堅定，堅忍不拔，刻苦學習，即使客觀條件再差也能取得成功，遠大的目標終究可以達到。

附：原文

275

爲學一首示子侄

彭端淑

1 天下事有難易乎？爲之，則難者亦易矣；不爲，則易者亦難矣。人之爲學有難易乎？學之，則難者亦易矣；不學，則易者亦難矣。吾資之昏不逮人也，吾材之庸不逮人也，旦旦而學之，久而不怠焉，迄乎成，而亦不知其昏與庸也。吾資之聰倍人也，吾材之敏倍人也；擯棄而不用，其與昏與庸無以異也。聖人之道，卒於魯也傳之。然則昏庸聰敏之用，豈有常哉？

2 蜀之鄙有二僧：其一貧，其一富。貧者語於富者曰：「吾欲之南海，何如？」富者曰：「子何恃而往？」曰：「吾一瓶一鉢足矣。」富者曰：「吾數年來欲買舟而下，猶未能也。子何恃而往？」越明年，貧者自南海還，以告富者，富者有慚色。西蜀之去南海，不知幾千里也，僧之富者不能至，而貧者至之。人之立志，顧不如蜀鄙之僧哉！

3 是故聰與敏，可恃而不可恃也，自恃其聰與敏而不學者，自敗者也。昏與庸，可限而不可限也；不自限其昏與庸而力學不倦者，自力者也。